



## **Kommune Qeqertalik**

### **INOQARFIK**

Postboks 113 - 3951 Qasigianguit

Tlf.: (+299) 70 19 00 - Web: [www.qeqertalik.gl](http://www.qeqertalik.gl)

**Qasigianguit illoqarfianni eqqaavilerinermut,  
eqqagassat annertuut katersorneqartarnerinut  
kiisalu eqqaavissuup torersarneqartarneranut  
tunngassuteqartut pillugu**

**NEQEROORUSIORTITSINERMIK ALLAASERISAQ  
(US)**

10.feb.2022



## Imarisai

1	Suliassaq.....	3
2	Eqqaavissuup torersarneqartarnera .....	4
3	Isumaqatigiissutaasup tunngavia.....	6
4	Piffissaliussaq & Isumaqatigiissutip sivilissusaa .....	6
5	Isumannaatsuunissaq anguniarlugu piumasaqaatit sillimmasiinerlu .....	7
6	Tunniussinissamut najoqqutassaq .....	7
7	Neqeroorutip tunniunneqarnera – Qasigiannuani eqqaavilerineq (Ilanngussaq 2).....	9



## **Aallaqqaasiut.**

Qasigiannguani eqqaavigilerinermut tunngassuteqartut pillugit matumuuna suliariumannittussarsiuussinikkut neqerooruteqartitsisoqassaaq.

Suliuariumannittussarsiuussinermut tunngatillugu paasissutissat kommunip nittartagaa atorlugu aaneqarsinnaapput. Sullissisuulersussamut paasissutissat kiisalu isumaqatigiissutaasussami suut piunasaqaataanersut matumani allakkiami (US-imi) aammalu ilanngullugu nassiuussami (SA-mi) allaaserineqarput.

Eqqaavilerinissamut neqeroorut neqeroorfissiatut immersugassami (ilanngussaq 2-imi) immersorneqassaaq, Kommune Qeqertalik Inoqarfimmut, Qasigiannguaniittumut, Ina Lange Heilmann-imut nassiunneqassalluni, imalu nalunaaqutserneqarsimassalluni:

### **”Allakkanik immikkoortiterisartunit ammarneqassanngilaq - Neqeroorut: Qasigiannguani eqqaavilerineq”**

Eqqaavilerinikkut sullissinissap sivilissusissaa piffissami **14. marts 2022-imiit 31. december 2024-ip tungaanut atuutissaaq.**

Neqeroorut Kommune Qeqertaliup Inoqarfianut Qasigiannguaniittumut atorfilinnut tunniunneqareersimassaaq kingusinnerpaamik **tallimangorneq 11. marts 2022, nal. 13.00.** Tamatuma kingornatigut neqeroorutit ammarterneqassapput neqerooruteqarsimasut najuuttut peqatigalugit.

Kommune Qeqertaliup neqeroortoq sorleq tigussanerlugu nammineerluni aalajangertussaavaa imaluunniit neqeroorutit tamaasa itigartitsissutigisinnaallugit.



# 1 Suliassaq.

## Illoqarfimmi eqqagassat

- 1.1 Eqqagassanik katersuisarnermi pineqarput eqqaaviit puussiartaasa katersorneqartarneri, kiisalu pappilissat karsit eqqagassallu allat najugaqarfiit eqqaanniittut aaneqartussatut nalunaarutigineqarsimasut taamatuttaarlu pisortat eqqaavittut atorneqartussatut ikkussuussimasaanni eqqaaviit puussiartaasa katersorneqarneri, tamannalu ingerlanneqartassaaq eqqaaviit imaarneqartarnissaannut allattorsimaffik maannakkumut atuuttoq tunngavigalugu.
- 1.2 Aqquserngit tamanit angallavigineqarsinnaasut sinaanni pisuinnaallu aqqutaani eqqaaviit inissitsitikkat kiisalu qimmeqarfiit eqqaanni eqqaviit sapaatip akunneranut pingasoriarlugit imaartarlugit. Puttasofarfinni puttasut imaaniitineqarnerisa nalaanni eqqaviit ullut tamaasa imaartarlugit, arfiningorneq, sapaat sapaassuillu kisiisa pinnagit. Eqqaaviit aqqusernup sinaanut pisuinnaallu inissitsitikkat sisamaasut meeqqanut tulluussakkat imaarsinermi ilanngunneqartassapput.
- 1.3 Sullissinermi isumagineqassapput, eqqaaviup puussaasa inimik inissisimaffeqartinnissaat, tunniunneqartarnissaat kiisalu eqqavinni puussiat taarserneqartarnissaat.
- 1.4 Eqqaaviit puussiartaasa katersukkat eqqaavissualiaanneqartarnissaat, eqqagassat iginneqarnissaannut innersuussiviusumut igittarlugit. Eqqaaviit imaagassat eqqagassallu tamakkerlugit isumagineqareeraangasa ulloq suliffiusoq naasassaaq. Eqqakkanik eqqaaneq ingerlanneqartassaaq eqqaaveqarnermut malittarisassaaq atuuttoq naapertorlugu.
- 1.5 Eqqaviit puussiartaannik igitassanik katersisarneq ullut tamaasa nal. 07.00-imiit 18.00-imut ingerlanneqartassaaq.
- 1.6 Illuutit imaartinneqartartussatut nalunaarutigineqarsimasut naliginnaasumik sapaatip akunneranut 1 – 5-riarlugit imaarneqartassapput, tassani pineqarlutik illut nammineq pigisat, ikinnerpaamillu sapaatip akunneranut ataasiarlugit imaartarlugit, taavalu pisortat suliffiutai sapaatip akunneranut 2 – 5-riarlugit imaartarlugit, ikinnerpaamillu sapaatip akunneranut marloriartarlugit. Sapaassuit ulluni naliginnaasuni tulleriiaginnarlutik pisimappata, sullissisup eqqagassanik katersinissaaq eqqaajartornissarlu isumagisassavaa.
- 1.7 Eqqaaviit imaagassat imaartiterneqarnissaannut allattorsimaffimmik Kommune Qeqertalik 1. januar 2019-imi tunniussissaaq. Allattorsimaffik pineqartoq eqqaavilerinermik sullissisup Kommune Qeqertalik isumaqatigiissuteqarnermikkut nutartertassavaat.
- 1.8 Eqqaavilerinermut tunngatillugu suliassat suliarineqartassapput, eqqaavilerinermut malittarisassat atuuttut naapertorlugu



## 2 Eqqaavissuup torersarneqartarnera

### Suliassartaasa suuneri

- 2.1 Eqqaavissuup qaava eqqagaajarlugu aputaajarlugulu torersarneqartassaaq. Aputaajaaneq ullaakkut eqqaavissuup ammannginnerani pisassaaq (08:00). Eqqakkat immikkoortitersimani eqqakkanut allanut akulerussuunnagit ajattarneqartassapput, minnerpaamik sapaatip akunneranut ataasiaq. Eqqaavissuup naqqa ujaqqanik qaartitikkani imaluunniit qalliutaasinnaasunik allanik qalliutigissallugit naleqquttunik qallersorlugit taavalu sioqqanik qalleqqillugit, manissunngortitsisinnaasunik.
- 2.2 Eqqaavissuup qaava manissarneqarsimassaaq biilnut nalinnaasumik angallavigne-qarsinnaasunngorlugu, eqqaavissuullu eqqakkanut kueraaviusartut nalai manissunngorlugu suliarineqarsimanissaa anguniarneqartassalluni.

### Suliassap isumagineqarnera

- 2.3 Eqqaavissuarmut biilnik isertariaq, Inoqarfik siumoortumik assiinissamik ilisimatinneqarsimangippat asserneqartassanngilaq.
- 2.4 Suliassaq isumagineqartassaaq eqqaavilerinermut tunngatillugu aalajangersakkat atuuttut naapertorlugit.

### Sullissinikkut ingerlatsinermit unittoornerit

- 2.5 Sullissinikkut ingerlatsinermit unittoortoqassappat, malittarisassallu aalajangersakkat malillugit eqqaavilerineq ingerlanneqarsinnaajunnaarpat, taava eqqaavilerinermik sullissisusup nammineq akilerlugu biilnik eqqaavilerissutaasinnaasunik piniarnissani isumagissavaa, taamalu pisoqarnera Inoqarfimmut nalunaarutigineqartassalluni.
- 2.6 Piumasaqaateqarsinaanermut tunngassuteqartut, arlaatigut ajutoortoqarnera pissutigalugu piumasaqaateqartoqarluni, assersuutigalugu inuk imaluunniit illuuteqarnermut pigisat nalillit sulinermit tunngatillugu ajoquserneqarsimappata, eqqaavilerinermilu sullissisoq tamatumani akisussaasutut inissisimasussaalluni, taava ajoqusikkat akilerneqarnissaannut eqqaavilerinermut sullissisoq kisimi akisussaasuutinneqassaaq. Ajoqusertoqaratarsinnaanera imaluunniit ajoqusiisoqaratarsinnaanera pissutigalugu eqqaavilerinermik sullissisoq piumaffigineqarpoq, arlaatigut aningaasartuuteqaratarsinnaaneq matussutissaqartinneqarsinnaaqqullugu taama pisoqaratarsinnaaneranut sillimmasiisarfikkut sillimmaseeqqullugu.

### Aqutsinermit tunngatillugu suliassat.

- 2.7 Eqqaavilerinermik sullissisusup pisussaaffigaa oqarasuaateqarnissani/oqarasuaat angallattagaqarnissani, arlaatigummi eqqaavimmi allanilu akueriuminaattunik pisoqassagaluarpas Inoqarfimmiit attavigineqarsinnaaniassamat.



### **Ingerlatsinerup nakkutigineqarnera.**

- 2.8 Kommune Qeqertalik sinnerlugu Inoqarfik Qasigianguani ulluinnarni ingerlatsinermut nakkutilliisuvoq.

### **Immikkut piunasaqaatit.**

- 2.9 Eqqaavilerinermik sullissisup, eqqaavissuarmi nunaminertamik ukiukkut suliffissaqartitsiniarnermut tunngatillugu atuisoqarsinnaanera akuersaarsinnaasariaqarpaa, assersuutigalugu qisuit allalluunniit atoqqinneqarsinnaasunngorlugit salitsinneqarnerinut nunaminertaq atortillugu.
- 2.10 Eqqaavilerinermik sullissisup Kommune Qeqertaliup eqqaavissuup nunataata ilaanik atuisinnaanera akuersinnaasariaqarpaa, nappartarsuit oliakoofinnik imallit allallu seersinnaasunik imallit inissinneqarfissaannut atugassamik, tassani aamma pineqarput eqqagassat navianaatillit containerimiisneqartut.
- 2.11 Eqqaavilerinermik sullissisup Kommune Qeqertaliup eqqaavissuup nutarterneqarnera aammalu aserfallatsaaliornernut suleriaatsit allanngorsinnaaneri akuersinnaasariaqarpai.
- 2.12 Eqqagassat qulaani pineqartut isumannaatsumik inissinneqarnissaat siunertaralugu Kommune Qeqertaliup ungalusaliorsinnaanera eqqaavilerinermik sullissisup akuersinnaasariaqarpaa, tamakkuningalu inissiineq pissaaq Namminersorlutik Qartussat kaajallaasitaat nalunaarutaallu naapertorlugit.

### **Eqqaavilerinermik sullissisup aningaasanik pissarsitinneqartarnera**

- 2.13 Aningaasanik pissarsisarneq qaammammut kingumoortumik pisassaaq.
- 2.14 Isumaqtigiissutaasup matuma atuunnerani aningaasanngorlugit tunniunneqartartussat nalimmassaasoqarneratigut allanngortinneqarsinnaanngillat, neqerooruteqarnermi tunngaviusut saniatigut immikkut ittunik allanik aningaasartuuteqartoqarsimangippat.

### **Isumaqtigiissutaasup atuuffia**

- 2.15 Isumaqtigiissutaasup atuuffia aallartissaaq 14. marts 2022-imiit 31. december 2024-imi naassalluni, ullut takkua ilanngullugit atuutissalluni.
- 2.16 Isumaqtigiissutaasumik sumiginnaasoqartillugu Kommune Qeqertaliup isumaqtigiissut ingerlaannaq atuutilersumik atorunnaarsissinnaavaa.



### 3 Isumaqatigiissutaasup tunngavia

- 3.1 Eqqaavilerinermik sullissisup neqeroorutaa aalajangersimasumik akeqartitsinermik tunngaveqarluni tunniunneqassaaq.
- 3.2 Suliffeqarfiit pineqartut tassaapput, atuarfik, uttoqqaat illuat, oqaluffik, KNI, kommunip allaffia/sullivii/inissisimatitsisarfiit, Namminersorlutik Oqartussat allaffeqarfiit/sullivii/napparsimmavik, aalisakkanik tunisassiorfik kiisalu pisiniarfiit, eqqartuussivik il.il.
- 3.3 Eqqagassalerinermi qaammammut aki aalajangersimasooq.
- 3.4 Eqqagassat annertuut eqqaaviliaannerinut qaammammut aki aalajangersimasooq.
- 3.5 Eqqaavissuup torersarneqartarneranut qaammammut aki aalajangersimasooq.
- 3.6 Eqqaaviit puussiartassaannik pisiortorneq taakkuningalu inimi inissisimatitsineq kommunimit isumagineqassapput.
- 3.7 Atortut aserfallattaaliorneqarnerinut ingerlatsinermullu aningaasartuutit eqqaavilerinermik sullissisumit isumagineqassapput.
- 3.8 Inoqarfik kommuni sinnerlugu ulluinnarni nakkutilliineq ingerlatissavaa.
- 3.9 Inatsit eqqaavilerinermut tunngassuteqartunut atuuttoq, eqqaavilerinermik sullissisuusup atuutsittussaavaa, tassani pineqarlutik:
  - Sulisoqarnermut ministeriaqarfiup Kalaallit Nunaat pillugu nalunaarutaa nr. 395 24. juni. 1986-imeersoq, suliasap qanoq suliarisariaqarneranut tunngassuteqartoq il.il.
  - Sulisoqarnermut ministeriaqarfiup Kalaallit Nunaat pillugu nalunaarutaa nr. 399 24. juni 1986-imeersoq, suliffiup qanoq ittuunissaanut il. il tunngassuteqartoq.
  - Kommune Qeqertaliup eqqagassalerinermut malittarisassaa atuuttoq.
  - Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq
  - Innersuussineq nr. 4.1-01-imi pineqartoq naapertorlugu - eqqagassat il.il. katersortarlugit eqqaavissualiaattarlugillu.
- 3.10 Eqqagassalerinermik sullissisup ukiup affakkaartumik suleqatigiinneq pillugu kommuni ataatsimeeqatigisassavaa.

### 4 Piffissaliussaq & Isumaqatigiissutip sivilissusaa

- 4.1 Neqeroortitsineq piffissaliussaq una naapertorlugu ingerlanneqassaaq:
  - 11. februar 2022 Neqeroortitsineq saqqummersinneqassaaq (kommunip nittartagaani).



- 04. Marts 2022 Kingusinnerpaamik ulloq paasissutissanik pissarsiniarfissaq.
- 11. Marts 2022 Kingusinnerpaamik ulloq neqeroorummik tunniussiffissaq, tak. qupperneq 2.
- 11. Marts 2022 Suliarinnittussarsiuussinerup inernera pillugu neqerooruteqarsimasut nalunaarfigineqassapput.
- 14. Marts 2022 Neqerooruteqarsimasut tunniussineq pillugu nalunaarfigineqassapput.
- 14. marts 2022 Eqqaavilerinermut piffissaq 2022 aallartissaaq.

4.2 Immikkoortunut neqerooruteqarnerit isumaqatigiissutip nalaani atuuttussaapput. Immikkullu ittumik, illuatungeriinnit isumaqatigiissut atsiorderani naatsorsuutigineqarsimanngitsumik, taamaallaat pisoqarsimatillugu allanngortinneqarsinnaallutik.

## 5 Isumannaatsuunissaq anguniarlugu piunasaqaatit sillimmasiinerlu

- 5.1 Eqqaavilerinermik sullissisoq pisussaavoq sulisitsisutut akisussaasuuneq tunngavigalugu sillimmasiissalluni aammalu sillimmasiinerit allat atuuttut, sulisut sillimmasiiffiqarsinissaannut tunngassuteqartut eqqarsaatigalugit sillimmasiissusaalluni.
- 5.2 Piunasaqaatit allat, eqqaavilerineq pissutigalugu arlaatigut ajutoortoqarneranut tunngasutillit, soorlu sulisup ajutoornera imaluunniit illuuteqarnikkut pigisamat tunngassuteqartutigit ajutoornerit eqqaavilerinermik sullissisup nammineerluni akisussaaffigissavai.
- 5.3 Sulisut akiuussutissamik pisariaqartinneqartunik kapitinnissaannut eqqaavilerinermik sullissisoq pisussaavoq tamatuminnga isumaginnitsissalluni.

## 6 Tunniussinissamut najoqqutassaq

- 6.1 Neqerooruteqartitsinermi akikinnerpaamik suliassamut tamakkiisumut neqeroortoq isumaqatigiissusiorfigineqassaaq, inatsit una malillugu Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. Juni 2019-meersoq. Neqeroortitsisup neqeroorut itigartissinnaavaa, takusinnaaguniuk neqeroortup suliassaq naammaginartumik naammassisinnaanngippagu pitsaassutimut tunngatillugu, taavalu naleqquttumik isumannaatsumillu suliarineqarsinnaanngippat imaluunniit piffissaq eqqorlugu suliarineqarsinnaanngippat. Taamaattumik akigitinneqartup saniatigut sullissisussap suliassap naammassinissaanut atortuutit pisariallit sulisussallu pigineqartut nalilersuinermit ilanngunneqassapput, piffissaq killigititaasoq suliassamut naammassisinnaaqqullugu. Nalilersuinerit atortuutitut sulisussanullu tunngasut neqeroortup neqeroorutimini immersugai ilanngussaq 1-imi ilanngunneqartumiittut





pineqarput.



## 7 Neqeroorutip tunniunneqarnera – Qasigiannguani eqqaavilerineq (Ilanngussaq 2)

Eqqaavilerinermik sullisserusuttup matumuuna atsiarluni tunniuppa, Qasigiannguani eqqaavilerinermut neqeroorut, *tunniussinerlu pivoq eqqaavilerinermut neqerooruteqartarnermi immersugassaq februar 2022-imeersoq naapertorlugu.*

01. februar 2022-imi Qasigiannguani eqqaaviit imaarneqartarnissaannut nalunaarsimasut ukuupput:

- Eqqaaviit imaartagassat 0-it qaammaammut ataasiarluni
- Eqqaaviit imaartagassat 132-it sapaatip akunneranut ataasiarluni
- Eqqaaviit imaartagassat 332-it sapaatip akunneranut marloriarluni imaartagassat
- Eqqaaviit imaartagassat 13-it sapaatip akunneranut pingasoriarluni imaartagassat
- Eqqaaviit imaartagassat 0-it sapaatip akunneranut sisamariarluni imaartagassat
- Eqqaaviit imaartagassat 0-it sapaatip akunneranut tallimariarluni imaartagassat

Piomasqaatit pineqartut tunngavigalugit, eqqaavilerinermik sullissinissaq siunnerfigalugu ataani atsiortunga sullissinissamut tunngavilersuutigineqartut taaneqareersut tunngavigalugit neqerooruteqarpunga.

**Neqeroorutip annertussusia, isumaqatigiissut ukiumut akigitinneqartussat: Eqqaavilerineq.**

Post	Suliassap suunera	Suliassamut ataatsimut akigititaq	Nalinga
1	Eqqaavilerineq	14.03.2022-31.12.2022 = 01.01.2023-31.12.2023 = 01.01.2024-31.12.2024 =	
2	Eqqagassat annertuut	14.03.2022-31.12.2022 = 01.01.2023-31.12.2023 = 01.01.2024-31.12.2024 =	
3	Eqqaavissuup torersarneqartarnera	14.03.2022-31.12.2022 = 01.01.2023-31.12.2023 = 01.01.2024-31.12.2024 =	

Ulloq: \_\_\_\_\_

\_\_\_\_\_  
(Eqqaavilerinermik sullissisup naqitsissutaa atsiorneralu)